

腹萬物生輝壽命長

### 先天鼎器

一從識破鴻濛竅認得乾坤造化爐不用神功調水火自然靈氣透肌膚朝朝黃鶴藏金鼎夜夜銀蟾灌玉壺要識金丹端的事未生身處下功夫

### 先天真鉛

舉世人多好入玄入不識這先天五千日內生黃道三十時辰認黑鉛不在乾坤分判後只於父母未生前此般至寶家家有自是愚人識見偏

### 先天大藥

道藏輯要 三丰全集 玄要篇上 六 續畢集八 川一三  
信道金丹理最精先天一點少人明不拘貧富家家有無論賢愚種種生吞向腹中方有孕將來掌上卻無形世人問我難回答遙指天邊月出庚

### 擒捉先天

笑睹神州有妙玄耳邊切切細相傳鑿開混沌尋金汞劈破鴻濛掘水鉛黍米一珠含北海蟾光萬道照西川若人採得吞歸腹何慮凡夫不作仙

### 凝聚先天

識得金丹正好爲元微只向此中奇化門一粒真鉛動玄戶三家造化基凝結丹田生玉葉送還土釜長瓊芝世人欲達先天